

岢嵐州香巖寺 城內肅睦街南宋元豐年弘福
建洪武初置僧正司於內

寺 城內居仁街西 **塔陀以寺** 城北丘子坡 **雲際**
宋宣和年建 正統年建

寺 城西山上宋 **紫峯巖寺** 蘆芽 **秀峯巖寺** 蘆芽
天聖年建

山華嚴寺 蘆芽山萬 **凌霄宮觀** 城東二十里
曆年建 東山下宋宣

和年 **神霄玉清萬壽宮** 州治東宋徽宗御
製并書碑刻皆存

嵐縣龍宮寺 縣城中北街金昌明年 **西古寺** 縣
建洪武間內置僧會司

一里黃簽山 **純陽觀** 縣西南十里官榜 **延壽**
金昌明年建 元至正年建

觀 縣東南十五里白 **天慶觀** 縣南門外宋祥
家庄元至正年建 洪武初

置道會 **太清觀** 縣城內北街
司於內 宣德年修

靈縣慶安寺 縣西北 兩至元年建 **樓霞觀** 縣東
洪武初內置僧會司

上金昌
明年建

保德州寶積寺 州治西南元 **承天寺** 州治東南
大德年建 元時建

青陽觀 州東南二十五 **天慶觀** 州東南隅元
里元大德年建 大順年建

薛子曰近世四海九州無不崇信釋老唯是
曲阜無寺觀僧道居邪不勝正理固然也乃
京師為最多在晉陽者亦復不少故通志不
多載以示抑之之意武廟昔藩叅三原秦公
偉毀打一番大有其人其人火其書廬其居意
惜乎秦公不常在而邪說易惑人其在今日
瓊樓玉宇闕于宮闕之盛髡首黃冠多于孔
孟之徒不忠不孝削髮而揖君親遊手遊食
易服以逃租賦偽起三塗謬張六道燃指燃
身轉相效尤久矣嗟嗟佛教不自漢興西極

化人之道莊列固已言之矣然其精者六經
孔孟之書具焉若欲以禪定復人性有恭默
無為之道在以慈忍厚人德有忠信惻怛之
訓在以報應禁人僻有懲惡勸善之典在以
齋戒抑人淫有防慾閑邪之禮在乃士不求
而必曰通佛以為名高是真背吾師而流于
興端者也即孔氏之門牆亦當麾之也已
或曰古之害道也以楊墨而鄉愿為甚今之
亂道也以佛老而遊俠為甚彼不農不商異
言異服假詩文為羽翼則無高而不到矣故
琴棋為舟楫則無遠而不濟矣持之以夙興
立側加以先意承指其利口諛辭也以辨
其道聽塗說也似學其心險貌柔也似仁其
行污言潔也似廉其好說人短也似忠其不
知忌諱也似直乃高明君子亦有嘉羨而容
與之者彼安得不自以為是耶噫茲豈可令
朝夫子
見也

卷之二十四終

太原府志卷之二十五

雜志

雜志者紀外篇也事絕于常編名標于奇紀
而遠寄冥搜疑信兩載或疑唐人好傳奇如
虬髯之訪太原避真主于海外神堯之遇老
父謁丹丘于鄠間母乃語近齊諧而類涉方
外乎然左氏博物載夢卜之誕神禹鑄鼎圖
魍魎之形宇宙之大何所不有六合之內論
而不議而况水火兵戎關西陞之利害禳妖

化人之道莊列固已言之矣然其精者六經
孔孟之書具焉若欲以禪定復人性有恭默
無為之道在以慈忍厚人德有忠信惻怛之
訓在以報應禁人僻有懲惡勸善之典在以
齋戒抑人淫有防慾閑邪之禮在乃士不求
而必曰通佛以為名高是真背吾師而流于
興端者也即孔氏之門墻亦當麾之也已
或曰古之害道也以楊墨而鄉愿為甚今之
亂道也以佛老而遊俠為甚彼不農不商異
言異服假詩文為羽翼則無高而不到矣故
琴棋為舟楫則無遠而不濟矣持之以夙興
立側加以先意承指其利口諛辭也以辨
其道聽塗說也似學其心險貌柔也似仁其
行污言潔也似廉其好說人短也似忠其不
知忌諱也似直乃高明君子亦有嘉羨而容
與之者彼安得不自以為是耶噫茲豈可令
軻夫子
見也

卷之二十四終

太原府志卷之二十五

雜志

雜志者紀外篇也事絕于常編名標于奇紀
而遠寄冥搜疑信兩載或疑唐人好傳奇如
虬髯之訪太原避真主于海外神堯之遇老
父謁丹丘于鄠間母乃語近齊諧而類涉方
外乎然左氏博物載夢卜之誕神禹鑄鼎圖
魍魎之形宇宙之大何所不有六合之內論
而不議而况水火兵戎關西陞之利害禳妖

豐窘係北戒之安危者哉女主訛言兆則天
于異代頭妖犬變徵隋禍于江都五行志未
可盡非矣

太原辨訛

詩云薄伐玁狁至于太原在雍州

豐鎬玁狁侵鎬及方至於涇陽地理志涇水
出定安涇陽縣今原州百泉縣并頭山也此
地東北至太原二千餘里山川險阻黃河介
其中安得飭戎車日行三十里逐虜而使出
乎又禹貢原隰底績蔡傳引鄭氏云其地在
今邠州唐有涇原節度使今固原州即唐原
州故城則詩人所云至於太原者指原州而
言非冀州之太原也未于在南渡後未至北
方傳偶
誤耳

長城考蹟

九宮私記曰余嘗至鴈門抵崞石

東隱見不常大約自鴈門抵應州至蔚東山
三澗口諸處亦然問之父老則曰古長城跡
也夫長城始於燕昭趙武靈而極於秦始皇
燕昭所築者自造陽至襄平武靈所築者自
代并陰山至高關始皇所築者起臨洮歷九
原雲中至遼東皆非鴈門崞石應蔚之跡也
及讀史顯王三十六年有趙肅侯築長城事
乃悟蓋是時三胡尚強樓煩未斥趙之境守
東為蔚應西則鴈門故肅侯所築以之則父
老所謂長城者即是始皇之城也迨武靈既
破胡始金陰山至高關始皇既并天下始起
臨洮至遼東所保者大則所城愈遠耳

邊封考異

樓煩子不可考其初封時或曰夏

君入朝戰國時與東胡林胡雜處冀北並號
三胡考之古牒東林臨胡胡也樓煩則否何

者上古之時金建要荒以為藩屏天下有道莫不來王春秋德衰外釁時作諸胡南徙若代若樓煩近其害者染其汚矣傳世既久槩名曰胡雖樓煩不自知也是故周王會有樓煩而無東林且東林悉以胡名樓煩獨有國號其源豈可同乎或曰王會何以無代曰代子姓殷之同宗周人蓋不躋之荒服云

冀并考蹟

并州乃恒山以旁之郡帝舜始置分冀北境者也周禮正北曰并州

其鎮曰恒山春秋元命包曰營室流為并州蓋以其在兩谷之間耳漢地理志并州所屬十郡而雲中定襄五原代鴈門已居其五西河朔方乃武帝新置之郡而漢未復治五原則又得其六矣遠于是者南不過上黨太原西不過上郡總不出虞分之舊焉不謂沿革之中而疆域之形反易矣何者漢以前之并

并之全也十郡隸而北境過其半魏所置之并非并之全也陘嶺以北舉棄之胡雖有新與之名而無其實矣天置烏桓公塞外而寇盜繁分鮮卑於塞內而郡邑廢晉人五胡之亂亦自并州始履霜堅冰斯可畏之甚乎

邊將異用

漢宣帝以匈奴旁塞遣後將軍趙充國屯五原朔方雲中代鴈門定

襄右北平上谷漁陽九郡將四萬騎此蓋聯九邊為一而總之以一大將也今九邊之騎豈止四萬而不可以一將總者豐勝之淪於西大寧之隔於東也

邊關古蹟

太原縣風谷山岩石上鑿字云立一箭臥一箭金鋼耳子露一半溝

之南道之北一輛金車露枝輻不知何謂年久漫漶字不可辨考之舊史宋嘗於邊境置四軍曰崇化火山岢嵐樓煩岢嵐雖重兵而移置嵐谷樓煩雖舊號而頗近靜樂蓋岢嵐

本以嵐峇得名而樓煩則自併北管之後以漸南矣獨崇化爲今之寧化去寧武爲近火山屬有偏頭去偏頭爲近實今日二關之所宗也於戲周人城朔方不聞有鴈門也李牧備鴈門不聞有寧武也中國遺禍之淺深大可慨矣

罷市忘備

宋元豐三年春三月罷市馬舊火問國之富數馬以對重戎事也代北之產從古稱良馬神宗信用王安石銳志富強紛紛改作保甲保馬不憚勞民而火山岢嵐之市罷之不恤豈其未之思耶蓋心急於儲貨計怪于小費而不思利國之便宜禦虜之長策也

割地失策

宋熙寧八年詔韓縝割分水嶺以其後契丹復包取兩不畊地臨臨鴈門遂啓用兵之釁夫宋人所割分水嶺之地今不可

考矣然嘗登鴈門踰夏屋極目於勾注廣武之間而知陞山形如人字一脊中分山南據脊則利歸山南山北據脊則利歸山北遼人所索必此地也不然彼以射獵畜牧爲業每空千百里之地以養禽獸而顧獨拳拳于此三十里間邪夫宋君可與有爲者神宗也今其言曰所爭止三十里大臣殊不究其本末夫斥鹵沙磧之場連阡彌望虜所不爭隘塞險易之間不十數里利害卽相懸矣神宗但喜其道路之不遙而不究域民之大限斯惑也已彼惑于安石欲取固與之言遂棄險要之地卒之粘沒竭之師一出雲朔遂下太原非以鴈門失守與李絳有曰邊城要害當謀之邊將規河塞之外于廟堂之上鮮不敗事其謂是夫

進鐵鏡賦

喬琳曰晉人用鐵今從革無方其或五金同鑄百鍊爲鋼雕鐫而雲

龍動色磨瑩而冰雪生光爛成形於寶鏡期將達于明王故有繳侯若守方物底貢擇使而天星共飛登車而月輪相送妍媸之鑒已久肝膽願呈者眾鏡之既明星衢是亨繼照三光共霽疑輝四海俱清鑑人無私知道不虛受處已不厚見心乎砥平若乃宇宙清朗提携偃仰旁觀而山澤入懷俯視而雲霄在掌雖因時而委照不俟物以呈象圖規可轉處順之物攸光勁質無虧持盈之道彌張墨客因進而歌曰金之精兮衆寶所參鏡之明兮羣象所舍清至瑩兮氛埃不雜明至察兮醜類相慙幸秦臺之一鑒與飛鵲而圖南

白雲雨應

忻州擊丹山東南有白雲洞俗名乾石窰有文殊像鄉民遇旱詣禱置盃像前岩水滴窰中即得雨雨大小視水多寡土人信之○按叩齒飛霜含冤致旱象籲得雨理誠有之前洞幽鏗巨剌天降時雨山川出雲滴水蓋薰蒸故耳所以禱之多應

綠洞岩幽

祁縣西北金山有石綠洞深不可測舊志謂昔有持炬入者及半聞流水聲隔水有石門懼不敢進迷其處近訛傳有礦徒聚竊者覓得前洞風從下起不可燭亦不能下石門之說恐未必然

馬井平泉

祁縣玉泉山北相昔有馬食禾逐之不見掘之得水溢與地平遂名馬井

猫寨神護

祁縣北白村里絕險可避兵正統十四年虜圍寨其夜寨中武安王廟刀鳴民家金鐵皆有聲衆懼不祥次日寇解去夜見寨上火光及聞人馬聲疑有備也

譙鐘靈異

省城譙鐘數百年物也相傳弘治間鐘夫他往其妻臥蓐未久武擊之遂裂有聲南去過牧馬河而寂州守王遣人至河南祭禱覺有聲自南來裂處漸合

崇聖碑吼

太原縣崇善寺一名回鑾在縣東十里舊寨後宋太宗平太原豎碑於此韓絳撰文碑制甚大弘治十四年七月碑無故吼三日夜一夕汾水泛漲碑入汾水中父老相傳始立碑時碑額甚重衆弗能舉遇一老叟過而問計焉叟曰已半身入土矣何計之有衆悟以土壅之額乃得安

靈狐建置

河曲父老相傳建邑之始原卜于縣西北四十里巡檢司地方已豎牌額將營工次日被一狐獸潛移木牌至于今所置之地遂移置于此焉今觀其縣因山為城借溝為池且山泉石炭環繞城廓民沾其利得以安居邊塞其亦天意之有在歟

渠異兆夢

河曲縣五十里地名善寨昔人相其地有岡氣不善因命工排掘之其渠深若溝工方已忽夜夢有物云幾斷我性于是次日復掘數尺見一物橫擔渠中狀

蒼蘆根圍尺許遂斷之有血如流蓋木根之成祟云

花神見異

祁縣水馬王清觀有牡丹甚茂弘治間王府析移其枝遂稿後有村民由省會歸者途遇女子求載車中及觀下車入叩之則烏有也既而花復盛開人謂為花神云

枯槐重茂

開柵鎮聖母廟乃軒轅宮人西陵氏土人以養蠶故祀之莫知其始內古槐一株徑四圍世傳千有餘歲正德間枯至嘉靖再生初腹空如罄內盛石子再生後內外堅實若嫩樹然

晉源異事

太原縣孝廉李壽昌居晉祠鎮未第時曾遊華塔寺見一古碑僧曰昔此僧人中鄉舉而立此碑讀未竟忽雷作擊仆其碑昌後宰山東濰縣日坐午堂忽自

見其形衣冠面目無二良久乃滅冒亦無恙
 又曾早行見城南至東莊一路車馬人物旗
 幟宛然可觀時始不見又曾讀易後園石
 室中忽陰雲四合雷電交作有龍從洞中出
 見者謂如赤幟搖曳而上眾驚視之昌凝然
 不動曰龍自此起耳今石上有龍爪痕存焉

黑青為妖 正德六年六月民間訛言黑青至
 則黃水出其形或如驢或如狗黑氣蒙之民
 間恐怖夜擊銅鐵以自衛通宵不寐經十餘
 日乃息隆慶初虜破石州黑青復見○按宋
 史哲宗時黑青見於禁中又曰黑漢腥氣觸
 人其形硜硜然有聲與此不同愚意流賊殺
 掠之後其冤抑之氣驚怖之聲發而為妖非
 若宋時之黑青也

男妖傷化

正德間榆次縣有桑冲者以男子
 粧女經歷四十五府州縣及鄉村

店鎮七十八處工刺繡姦通良家女子凡百
 八十二人後為真定府高宣覺其詐擒赴送
 趙州審實奏聞磔之于市

惡人果報

舊縣村民武閏素刁黠專以起滅
 脅制鄉里會將徐姓者以宿恨唆

訴於官而扶證之誣以徒罪嘉靖二十年虜
 入境獲徐係以繩問富家所在徐乃引入閏
 家時閏匿地穴中拽出之索金帛吝弗與虜
 遂斬閏首而釋徐虜退徐語人曰彼于官府
 處告我徒罪我於達子處告彼斬罪其言雖
 鄙亦可鑒云

琉枕雅調

嘉靖癸丑九月郡人閏繩芳書院
 園中掘得一枯骸藉一琉璃枕上

書別銀燈詞云小院煙深雨細正好懽懽春
 睡薦被金枝連推繡枕報到皇都書至良人
 得意集英殿首攀仙桂○陡帳重襟驚起斜
 倚屏山偷喜寶髻慵梳香箋拆破果見中高

高名第秦樓十二知他向誰家沉醉尾題宣
和次歲蕤賓月吉日子東仲美書更寫一園
花押焉諸志所載晉故實稍稍可尋矣猶有
遺而未盡迺括之于雜志然多政事利害所
關中有涉異者傳聞已邈足以藏往孔子曰
多聞闕疑慎言其餘姑備載之資博覽者

麾兵鼓噪

嘉靖己未四月撫臺麾下標兵王
慶賈壽等作亂尋撲滅之標兵之

設始於平涼趙公時春其人率豪猾猛悍鮮
衣怒馬月支大小糧例夏秋之時草木茂盛
馬秣斲停而惟標兵不與巡撫葛公縉議滅
如常額眾軍以此不協陰懷逆志一夕鼓噪
而起剽掠城市焚劫公府參將高鵬以不從
迫脅遇害時遊擊畢文以罪繫獄賊脅之使
掌兵事不從罵不輟口持棹腿擊賊被殺都
司鄭印橫刃步出大呼左袒三衛中士四集
麾下討賊於市盡殲焉不崇朝而定時當事
者畏 廷譴藉口高軍以自解未幾鄭以請

亂陞而畢公之義久不宣居數歲少司馬高
昌萬公為巡撫知其事詢諸士民良信檄下
有司祠畢公于北門之月城而高公之枉死
至今不白兩朝憲章錄嘉隆聞見紀輒按葛
撫使奏書以為
實詎不冤哉

白蓮大獄

嘉靖末崞縣人有李福達者善黃
白術聚徒攻劫洛川鄜州殺掠甚

衆後脫逃改名張寅冒五臺縣籍納太原衛
指揮潛住徐溝同戈驛被薛良者揭告直詣
馬公錄開府江公潮考訊最實大逆獄成先
寅在京寓武定侯郭勛所為燒煉至是勛為
關說錄潮並劾勛逆黨宜並治不報勛反言
入聞為寅等稱冤 命下法司會訊盡反原
招罪及四十餘官二公為首復寅官其子大
仁大禮等釋放寧家一時人心憤惋後穆宗
朝蜀妖賊蔡百貫招出以山西叛逆李桐為
師即寅之孫論死棄市人心始快有詩云大

獄當年未必真枉罪書生七十人張寅若非李福達劔南叛賊是誰孫

男化女形

萬曆初靜樂縣民李良雨娶妻數年以不和離異遂化為女經脉流

行與本村民白尚相姦配具疏以聞范學使御龍子亦載此事王元美有詩曰萬事反覆

那足比山西男兒作女子朝生暮死不自知雌飛雄飛定誰是謝豹曾聞受朝謁於菟亦

解談名理渭南巾幗不可呼此曹變化無時無只今齷齪不能去羞向人間喚丈夫

堪輿報災

萬曆乙酉有術士至嵐縣言縣當有災人不之信後二年果遭火變

始縣治東衙轉北市數旬又焚縣衙門首及正堂及關王廟邑城甚小民居稠密火災之

後閭里蕭條昔日風景半已非矣果術數之前定耶抑人事之未盡耶姑記之以示警

兩庠文運

萬曆乙酉科前府縣兩庠金峙中隔一牆門通往來堪輿取左通右

達之義又謂鑿壁偷光大關兩庠文運登賢書者科不乏人無何有好事者塞其門是科

兩庠脫榜諸青衿士譁然歸咎于塞者因仍復舊貫至下科連中魁解後科第復盛云

良醫動主

春秋時晉悼公病求醫于秦秦伯使緩治之未至公夢二豎子相謂

君盲之上膏之下若我何緩至謂公曰疾不可為也在盲之上膏之下攻之不可達之不

及藥不至焉公曰良醫也厚禮而歸之醫和者亦春秋時人晉侯有疾求醫於秦秦伯使

和視之曰疾不可為也是謂近女室疾如蠱非鬼非食惑以喪志良臣將死天命不佑侯

曰良醫也厚其禮而歸之

異人識貴 晉人有魏先生者逸其名無書不讀隋初太常議樂先生調律度金

石絲竹各得其所太常欲薦而官之不可賜帛二百段而歸寓鴈門以帛市酒旦夕歡飲

帛二百段而歸寓鴈門以帛市酒旦夕歡飲

時李密敗黎陽亡匿先生一見戲曰子氣沮而目亂心搖而語澁方今捕蒲山黨得非長者乎密驚起曰既知我能免我否先生曰子非常人規模又有將帥材略吾望氣晉汾有聖人出能往事之當不失富貴密終不能用其言而敗先生竟不知所往

明醫胗鬼

元至元年岢嵐州振西衛北鄉有病入失其姓名年已暮家甚足請

醫來治醫胗其脉不語屏人問曰老翁殆非人脉何其異若此病者曰君言是我鬼也托人形已任世六十年矣醫問其故曰元將沒諸神失職此各鬼得以為亂未幾其人卒也

直抗神奄

正德間有叅政秦偉者三原人性最剛直毀佛像淫祠無數小吏貪

墨及強宗權右俱望之歛跡治兵鴈門適大駕巡代奄吳經求賂於偉偉不應且竟抗禮經構偉詔獄尋赦出復官未幾以都御史巡撫平谷有為之語曰鬼神不懼何有權奄

俘叛來降

雲川衛餘卒趙全者嘉靖中以罪逃與其鄉人李自聲趙龍呂老祖

周元等同投虜酋割板升地居之久之亡命多依部落日衆虜酋俺荅心任之藉圖大舉聲東擊西譎詐百出邊塞多故皆其謀也隆慶石州之變為禍尤慘傳聞定計欲入據雲中上谷北塞鴈門東揜居庸與金遼故業虜不能用庚午九月有俺荅孫把漢那吉者以故來降臣奏聞朝議納之俺念之不置欵塞求還時新鄭柄國蒲阪佐之計令獻全等易把漢俺喜遣其黨哈台吉吾奴柱牧全等來獻周元仰藥自殺全等至京師磔于西市梟示九邊把漢那吉父曰墨台吉俺荅次子也台吉死俺疑其諸婦盡屠之時把漢纔三歲俺命妻一克哈七字之把漢長儼甚俺愛焉已而約取免擄金女為小妻未之婚而襖兒都司部落亦衆俺以甥女許之既而愛其美遂自納為姬以擄金女予襖兒把漢怒

大詢俺有阿力哥者其乳母夫也懼俺誅把漢趣之歸我把漢以為然遂携其妻妾比吉等來降後歸言中國恩賚甚厚俺感謝上書願為外藩朝議從之封為順義王許歲貢馬駝通市塞下焉

變禮待虜

隆慶末順義王乞貢市許之有治屯塞外要裳往見裳詣營左右脅以見諸王禮裳懼因塞外以曲脛側首為拜乃曲一脛側其首議者以拜虜罷以成安蔡公可賢繼其事順義復要之見賢因厚賂其妻妾為之地乃來見順義仍脅之賢曰天朝臣子見內地諸王皆不拜順義不能屈客之妻妾皆從雜坐飲食操琵琶侑觴極權而罷議者不識其微以為辱國大計去

禦虜優劣

嘉靖癸丑虜入寇大掠都御史趙公持春親率兵禦之戰于代州東

我兵失利寇忻嘽又以兵邀之所謂乘其惰歸者隆慶丁卯虜破石州歸人馬俱乏虜初欲乘勝北走鴈門聞有重戍未敢竟越折道東還水草俱絕饑渴疲勞衣徒步設有如趙撫使者出奇兵邀之虜可隻輪不返所謂反敗為功者在此申總戎不論死王撫使不城且矣惜也然貢以來寢鼓息烽通譯議貢邊民雖更生乎不戰則弱恐非久安之策也

尚義活衆

萬曆乙酉年大荒米珠薪桂人至相食郡人參政傅公霖施粥百日

米費四百斛所居前後左右諸貧生賑米銀二十錢知州傅公震施粥費米百斛辛丑壬寅年復大饑霖于小彌陀寺焚大地炕收宿貧人有死二者施棺葬埋復施粥起冬月至來年熟乃止費如前晉王佐賑米斛四百周寒士者百王公立賢馬公朝陽李公光輝王公月辰馬公維翽潘公文周公大年李公三樂亢公繼志王公藻王公育才李公繩芳

趙公尚忠文公華王公釗所輸或百斛或五十斛或三十斛或二十斛民賴全活者數萬當道掉揆以旌表

賢奄善行 萬曆中 上為三殿大工納採權

不堪命先來晉者為孫姓偶物故採且罷繼

之者則保定人張忠也尊賢重義貞操雅誼

每權課額外毫不妄索且禁其下勿得倚逞

用是晉人按堵無擾至值歲早詣廟虔禱又

以三百金佐賑尋疏民艱請罷權務乞還特

朝尤諸使中之難得者因嘉其善而不泯之

仙釋顯異 馬丹者晉狄人也文侯時為大夫

入晉後靈公欲仕之不以禮有迅風發丹入

迴風中而去人以為異尊而祠之○晉僧慧

遠有戒性通儒書所居有勝井異香襲人能

愈諸疾四方病者來求水因建勝井院即今

樓煩寺也又嘗居西靈嚴泉寺修行於白仁

岩說法于臺鳥獸諦聽石遊至廬阜峰結精

舍水遠不可及乃以錫杖叩地清溪湧出後

成一溪嘗送客過虎溪橋有虎輒鳴號公誓

沙石上渡唯道樂見其如是傍人未之見也
○嵐縣南六十里聖窟山有洞牧人至洞口
見二道士歛棋立看局終道士喝曰爾羊去
矣在此何爲牧人腰間斧柄已爛覓羊不見
始知人間幾百年矣今石羊尚存云○榆次
僧志超者姓田氏隋大業初出家有異行唐
貞觀中雲遊至介休西南山路險絕難度超
抱石踰之俄有白兔前引又見五龍奔出巖
下遂解化世號空王佛 勅賜其院曰空王
寺寺前有池時或遇旱取其水禱之輒雨○
唐石頭道人者交城姓張氏隱居西冶山善
玄養知來有詩云去去依然在呵呵一石頭
青山常在伴明月幾時休又言九月九日我
當昇天至日果不見○張果老者字園林交
城縣小南巷人也世稱爲八洞仙嘗騎白駒
至阿蘇山以鐵錫指石爲穴引駒入焉今嵐
中駒尚存祁縣有果仙飲駒處○大漢僧錄
者姓聶氏身長九尺能誦咒驅邪通藏經千

餘卷中統三年召爲殿中將軍不拜命爲本
縣僧錄賜禪衣一件卽號大禪師後圓寂
焚化有舍利紅光之異衆建塔于安定村寺
中以藏師骨其禪衣遺貯龍山永寧禪寺庫
中世守爲重寶○李賓者原滄州人來孟縣
日惟食十棗一小栢葉餅掩室著論無虛時
後至冠蓋村逢虎馴伏語虎曰吾欲釋華嚴
經可與吾擇一棲止處處遂起引至神福山
得一龕居之以著論年九十六化于龕中○
趙龜顯者嵐縣人爲神霄宮道士爆粟於庭
見大鳥來食粟以杖逐去復來凡三仍戀戀
于顯膝下乃悟遂乘之而去○韓氏女嵐縣
人嘗汲水于河白龍神欲以水飲馬女卽與
之三日三復神曰汝適人乎對曰未也遂置
馬後而去女兄使者趕至龍山下神女俱坐
化使者亦傍立化鄉人立祠塑像禱雨輒應
後廟頽神夢上聞洪武重脩賜春秋祀正德
年間廢祭焉○曇鸞大師鴈門人十四歲遊

五臺觀金剛窟見徵異遂削髮註大集經未
 就而疾危嘆曰生如朝露安謂法身渡江未
 陶先生仙方得之徒步謁梁武帝于重雲殿
 立談傾聽萬眾後見三藏菩提流支乃舍陶
 方而脩西方十六觀久之天樂西來異香滿
 室師隱几化去魏武異之目曰神鸞立碑紀
 其事○闕道寧鴈門人號休休子幼為釋已
 而學道養真於鳳凰山之來儀觀年八十四
 尸解而化莫知所終○僧信明五臺人俗姓
 高年十三歲師事正琪禪師二十六歲於湛
 和禪師下演輪金大論幽贊戒章孟蘭等疏
 歲丙午龔興國大禪師之號甲寅怡然就化
 神光靈驗今正覺禪寺有遺行碑銘存焉○
 僧唯德真定人俗姓孟幼穎悟不甘處俗年
 十四出家師公異之曰此子他日法中龍象
 也十五受服為戒遊歷叢會經梵律論名理
 奧旨年二十至五臺遂舍講就禪後卜居古
 公主寺終焉臨終之夕為門人說法大書一

爾云五十一歲百拙一生不肯休歇清涼石
 虎報三更正是還源去時節書訖而逝○僧
 印寶榆次人俗姓康氏自幼不如葷不童戲
 長從妙總禪師戒行脩持後住持法典院升
 座留頌曰七十年來一夢間大風離散不為
 顛而今脫下娘生襖一句臨行莫亂參擲筆
 而逝後有人見于黃蘆領單騎西去○諸仙
 禪師俗姓裴氏祁縣人久居幽仙寺性行醇
 慧一日春夢覺云河南好麥徒眾皆笑乃袖
 中出麥穗示之眾大異嘗遊汴徽宗詔入朝
 賜號諸仙設齋不食問之云聞本寺鍾響方
 食少頃果聞鍾聲帝大驚遣兵衛取鍾鍾已
 絕紐飛去半入西崖下不可起人遂名其崖
 為墜鍾崖壽踰百歲髮尚黑坐法堂不食百
 日而化○僧全福俗姓田氏祁縣人諸仙徒
 也得師真傳從遊于汴蒙徽宗賜號全福馴
 伏乘虎不可盡述壽一百餘整衣而化面色
 如生○真寶者代州人為五臺僧正靖康兵

起率其徒習武事欽宗召封眷賚隆縵寶還山聚兵抗金被執欲降不屈且曰五法中有口回罪吾許宋皇以死豈可二吾言怡然就戮夫仙釋持脩苦煉俱為一身即輕死鮮當名義惟真寶身係法門而節著大義其于世道人心不無小補矣○元陶志願者榆次人號隱真子晉淵明之裔精脩真煉性之術與棲霞真人工公參究玄妙有所疑咸印證之歸棲邑之萬春宮年九十歲羽化○有天公地公宋公退公窮公者脩煉聖阜山洞各住一山至今名五公寨五仙鄉○鄭祐者繁峙人也學黃白吞吐之術至元間與妻俱羽化歲各九十餘云○國朝僧海昌俗姓許生而言動非常博涉群經深契奧旨與洪蓮義金談道世呼為金海蓮三高士戒律精嚴禱雨輒應隱崛崛山書五大部經卷校正華嚴合論五臺清涼傳本宗二百問永樂中詔至京纂脩大藏經授太原僧綱司都綱一日沐浴

頭衣跌足而逝○洪蓮太原人俗姓吳早喪父削髮苦脩請天龍洞書五大部經文永樂中詔註大明三藏法數授大藏經典既成上進賜衣設宴欲授以官懇辭還山○陸本者雲間人弘治末居太原縣昊天觀石洞中有道術符水禱雨輒應袖核桃于山頂搖之則雷聲隱隱然後遊華山不知所終○楊魔頭人谷人出家于縣東寺脩行常累日不食詣省與晉恭王說法時亢旱執事令禱雨速應人多神之○僧普惠平定人號洞雲壽聖寺住能詩有戒行常餞呂左丞詩有君王若問榆關郡地瘦民貧山水多之句後徙居獅子山石巖下年九十入化今名其地曰禪岩○順禪師長安人俗姓弓洪武初來五臺晉光寺師無念德公常夜中見身在文殊會中間偈頌後雲遊名山還五臺永樂初踟躕而逝茶毘後有舍利及語錄傳世○僧寶金俗姓石號碧峰永壽縣人脩行繁時祕魔岩值

雪有紅光起自石中上冲霄漢 太祖在南
京視之恠嘆召見賜金紋衣後火化獲五色
舍利為浮圖藏于普光寺有遺像柳棠生禱
存焉○具生吉祥者姓刹帝利氏別號板的
達生與釋迦同國洪武二年遊五臺 太祖
召見奉 天殿奏對稱 旨賜銀印金號及
御製善世歌有笑談般若生蓮花之句其
後沐浴危坐而化停龕六日自焚得五色舍
利烟焰所及皆綴于松枝若貫珠然今立塔
在普光寺幽碧峰塔對○僧淨澄繁峙人號
孤月能知未來後坐化烟生七竅以自焚

太原府志卷之二十六

災祥

攷書洪範庶徵推天行之休咎驗人事之得
失其所為示省者不啻詳焉何孔子作春秋
書災異而不言事應哉蓋人事至顯天道至
微顯則難掩微則叵測善識天人者信其感
應之常而不泥於其變乃能通微於顯之內
而善於省驗不然而局於券符一遇稍愆反
滋味者之惑而示以矯誣之端耳今以晉地

雪有紅光起自石中上冲霄漢 太祖在南
京視之恠嘆召見賜金紋衣後火化獲五色
舍利為浮圖藏于普光寺有遺像柳棠生禱
存焉○具生吉祥者姓刹帝利氏別號板的
達生與釋迦同國洪武二年遊五臺 太祖
召見奉 天殿奏對稱 旨賜銀印金號及
御製善世歌有笑談般若生蓮花之句其
後沐浴危坐而化停龕六日自焚得五色舍
利烟焰所及皆綴于松枝若貫珠然今立塔
在普光寺幽碧峰塔對○僧淨澄繁峙人號
孤月能知未來後坐化烟生七竅以自焚

太原府志卷之二十六

災祥

攷書洪範庶徵推天行之休咎驗人事之得
失其所為示省者不啻詳焉何孔子作春秋
書災異而不言事應哉蓋人事至顯天道至
微顯則難掩微則叵測善識天人者信其感
應之常而不泥於其變乃能通微於顯之內
而善於省驗不然而局於券符一遇稍愆反
滋味者之惑而示以矯誣之端耳今以晉地

誌晉事亦直書所遭而不究厥應亦竊取春

秋會洪範之意云

災祥紀著周景王十一年有石言于晉魏榆

一月有火下于晉北有聲如鼓威烈王三年冬十

二年蒙騫伐趙取榆次狼孟等二十七城秦莊襄王

四年四月晉大雨雪十七年代州地震

文帝二年崞縣荒賜民田租之半十二年

年免租景帝中六年六月匈奴入寇

二年秋晉大旱冬十月日月皆赤十二月雷

帝元鼎元年五月得鼎汾水上元朝三年

冬匈奴入寇昭帝始元二年荒免租

帝建寧中有狼數十入晉陽南城門齧人靈

光和六年秋五原山崖崩

元平元年免荒

租武帝咸寧二年六月白龍二見新興

井中鳳凰集于榆次境三年新興雨雹

四年六月丁未陰平廣武地震甲子又震○

五年五月辛卯鴈門雨雹傷秋稼閏七月壬

子新興雨雹大寧元年五月鴈門雨雹十

二月并冀二州大雪六年六月鴈門雨雹

新興山崩水湧出惠帝元康五年九月鴈

門新興太原榆次大風傷稼愍帝建興五

年秋七月冀州蝻蝗永寧元年自夏及秋

并州旱七月太原新興青蟲食禾葉元帝

永昌二年十二月冀并二州大雨大興元

年八月冀州蝗食生草盡懷帝永嘉四年

五月大蝗并州草木牛馬毛鬣皆盡成帝

咸和三年石勒稱後趙改元大和時雹起西

河介山大如雞子平地三尺湊下丈餘行人

禽獸死者萬數歷太原樂平樹木摧折禾稼

蕩然穆帝永和三年并地前後送倉麟十

六白鹿七八月冀方大雪人馬多凍死安

帝義熙七年二月代郡倒荆山白鹿見八月

魏主嗣獵于西山獲白兔曰雉十二月復獲
 時晉末鴈門郡吏賈相入勾注西陁見老人
 言四十年後聖人出於北方時當大樂老人
 隨化為石人焉○**南北朝**宋廢帝元徽二年大
 夏五月鴈門埒城有聲○**北齊**河清二年大
 原雨血○三年晉陽訛言有鬼兵百姓競擊
 鉦鑼以捍之○**梁**武帝夫監十一年夏代州
 地裂○**大通**六年龍見并州井中○**陳**文帝
 天嘉四年太原雨血四月并晉迤西五州旱
 五月周師與突厥入并州大戰城西伏尸百
 餘里并州地震○**大建**二年并州獻足牛○
 四年并州有妖狐多截人髮擁土為城雉之
 狀○六年晉陽大旱得死魃長二尺面頂各
 二目帝聞之使刻木為形以獻○八年有鶴
 巢并州嘉陽殿雉集晉陽宮御座獲之又并
 州招遠樓下有赤蛇與黑蛇鬪數日赤蛇死
 ○**隋**文帝開皇十六年并州蝗○二十年春
 二月丁丑平定州無雲而雨夏四月天有蒼

如風雨相薄自南而西北○**仁壽**四年龍見
 代州總管府井中或變為鐵馬甲士彎弓上
 射○**煬**帝大業元年鴈門人房四安母年百
 歲額上生角長一尺鴈門百姓間犬多去其
 主羣聚于野形變如狼噉噬行人數年乃止
 是歲太原廐內馬死大半帝怒遣死者按問
 主曰每夜廐中馬無故自驚因而致死帝令
 巫者視之巫者知帝有遼東之役因希旨言
 曰先帝使楊素之萬歲取之將鬼兵以伐遼
 也帝大悅因釋乎者傳口逆天氣而馬多死
 是時帝每歲遊幸北事長城西通且末國內
 虛耗天戒若除廐馬無事邊蠻帝不悟遂至
 于亂○四年鴈門宋谷村有婦人生一肉卵
 太如斗埋之後數日所埋處雲霧晝合從地
 雷震而上視之洞穴失卵所在○五年代郡
 饑○十三年劉武周據并州兵勢甚盛城上
 鞠刃夜每有火光○十四年巡北邊始畢可
 汗率騎數十萬謀襲乘輿義成公王遣使者

告變車駕入鴈齊王暕以後軍保崞縣四十
一城突厥盡克之惟鴈門崞不下焉
祖武德四年太原尼志覺死十日而
宗永徽二年十一月戊寅忻州定襄地
武后垂拱三年秦冀州雞變為雄
元年并水晉祠水赤如血○長安元
文水縣武氏井溢○玄宗開元十二
太原獻異馬駒兩肋各十六肉尾無
十二年榆關野蚘蟲害稼入平州界
來食之一日而盡○二十三年四月
長人李家寵八尺有五寸○二十六
野蚘蟲害稼羣雀來食之○天寶五
文水縣野蠶成繭○肅宗乾元二年
州合河關黃河二十里清如井水四
宗元和七年正月振武河溢毀東受
歲甘露降十交城石壁山○太和四
饑○六年甘露降于交城石壁山栢
宗會昌二年春代州崞縣羊生二首
連頭兩

尾○宣宗大中三年十月辛巳振武
廬舍壓死者數十人○十二年八月
原地震○懿宗咸通十三年四月太
民家有嬰兒兩頭異頸四手聯足○
符二年河北馬生人○光啓四年六
太原大風雨拔木千株損稼百餘里
元年九月太原諸山栲杏華有實晉
有聲如雷○宋太宗興國九年嵐州
一角似鹿無斑文角端有肉性馴○
年十一月代州風雹傷禾稼○真宗
年嵐州旱○八年晉州慶唐觀古栢
槐長丈餘○九年河北路蝗蝻生七
羣飛翳空趨河東及霜寒始斃○祥
三月代州地震○六年十月代州五
吉祥鳥見形翅甚大其飛也四黃鳥
鵲從之○仁宗明道三年河北雨赤
四年十二月甲申忻代并三州地震
廬舍覆
歷吏民忻州死者萬九千七百四十
二人傷

者五千六百五十五人畜死者五萬餘代州
 死者七百五十九人并州死者一千八百九
 十人○至和二年并州太宗神御殿火○寶
 元元年正月庚申并忻代三州地震十一月
 忻州地震○慶曆三年五月乙亥忻
 震庚子忻州地震○西北有聲如雷○嘉祐五
 年正月辛卯有星一出畢大如盤赤黃色速行
 至天倉沒明燭地尾迹炸烈而散有聲如雷
 ○熙寧元年十二月嵐州獲白鹿○神宗元
 祐二年二月辛亥代州地震有聲○哲宗紹
 聖元年六月己酉太原府地震十一月太原
 府地震○徽宗建中靖國元年十二月辛亥
 太原府地震彌旬不止墮城壁屋宇人畜多
 死忻州禾合穗○大觀二年十二月
 園地生瑞木○和四年三月尚嵐
 有杏木連理○皇統六年孟縣重門
 雲見○大定元年春正月平定州風
 用民大饑○宗延祐元年冀寧
 地震壞

官民廬舍○三年四年冀寧地震○順帝至
 元二年榆次饑○四年夏大旱民乏食流移
 載道○十八年二月交城諸縣忻州饑遣使
 賑之○二十一年忻州西北有赤氣蔽空如
 血逾時方散○二十三年忻州東北夜有赤
 氣亘天中有白色如蛇形徐徐而行逾時方
 散○至正二年夏四月冀寧地震有聲如雷
 裂地尺餘民居皆傾忻州定襄縣隕霜殺禾
 ○三年四月忻州風霾晝晦大饑人相食○
 十一年忻州地震大震十月太白晝見熒惑犯
 歲星有星孛於昂太谷武村鎮地震平地湧
 水泛漲房屋漂沒壓死人民甚衆○二十六
 年秋七月忻州地震有壓死者徐溝縣地震
 迸裂湧出黑水○二十八年大饑遣使賑之
 ○戊申年保德州地震五日不止
 國朝初榆次夜多野火影中若有人物戲美
 之狀○洪武四年太原古城脩建晉府宮殿
 木架已具一夕大風盡頽遂移建於府城○